

509072

平定兩金川方畧

四

八

平定兩金三木算

天

平定兩金川方畧卷之一百三十四

三月甲寅。

上諭內閣曰。邇年征勦金川。一切軍需糧運等項。節次發帑。不下七千餘萬。官爲辦給。不欲絲毫累及閭閻。而負任運供。不無稍資民力。業已疊次加恩。將乾隆四十年以前應徵錢糧。分別酌免。茲兩金川全境蕩平。大勲告集。念川省百姓。踴躍急公。甚

屬可嘉。自宜廣渥恩以昭優恤。著將成都華陽新
都漢州郫縣灌縣德陽綿州梓潼劍州昭化廣元
汶川保縣雜谷廳雙流新津邛州名山雅安榮經
清溪打箭爐二十三廳州縣。乾隆四十年分緩徵
錢糧。全行蠲免。金堂簡州資州資陽內江隆昌瀘
州納谿敘永廳永寧中江三臺蓬溪射洪渠縣南
充大竹十七廳州縣。所有四十年分全緩錢糧。蠲

免十分之七其茂州松潘廳江北廳巴縣永川榮昌璧山樂山犍爲宜賓眉州奉節雲陽萬縣巫山

梁山廬山天全州十八廳州縣四十年分前經酌

緩十分之七錢糧一併蠲免溫江新繁彭縣什邡

崇寧崇慶州蓬州長壽楚江南溪富順長寧蒲江

大邑安縣綿竹仁壽井硤廣安州岳池安岳榮縣

遂寧二十三州縣所有四十年分已經酌緩十分

之七錢糧內。蠲免十分之五。其西充營山儀隴隣

水江津綦江南川合州涪州銅梁大足定遠忠州

酆都鹽亭樂至丹稜彭山青武峩眉洪雅夾江威

遠合江江安二十五州縣。四十年分前經酌緩十

分之五錢糧。全行蠲免。閬中蒼溪南部巴州通江

南江馬邊廳慶符高縣筠連珙縣興文屏山雷波

廳西陽州秀山黔江彭水開縣大寧石柱廳達州

東鄉太平新寧平武江油石泉彰明西昌冕寧鹽
源會理州越嶲廳二十四廳州縣四十年分前經
酌緩十分之五錢糧內蠲免十分之三其各營縣
番民認納銀米前已降旨緩徵著並將該年夷賦
一體按照分數蠲免俾民番均得普沾實惠用示
慶洽武成嘉獎勞民至意該部卽遵諭行

臣
等謹按川省軍務前蒙

諭旨。將乾隆四十年以前應徵錢糧。分別酌免。已爲

格外

恩施。茲因全境蕩平。

念川省百姓。踴躍急公。復沛

殊恩。將乾隆四十年全省正供。分別普行蠲免。

恩施稠疊。有加無已。漢土兵民。自無不歡欣鼓舞。仰

一人之有慶也。

甲辰。阿桂豐昇額明亮奏言。霍爾章谷。納林冲。孔撒三土司。懇請同甲壘土司。一體進京叩謝。

天恩。查此三處雖未隨軍打仗。然派令土兵。在革布什咱甲魯一帶。防範賊人。已經數載。且各派烏拉挽運軍糧。亦爲恭順出力。所有霍爾章谷。納林冲。孔撒土司。似應照綽窩土司之例。給與花翎頂戴。再革布什咱土舍諾爾布湛都爾。年雖

十四。現回革布什咱管理地方據土舍頭人稟稱。附近各土司均賞戴翎枝。獨諾爾布湛都爾無翎。不足以彈壓衆人。請將大頭人達爾結等打仗奮勇所得之翎。挪給諾爾布湛都爾頂戴等語。情詞甚爲懇切。臣等相商一併賞給花翎。俾知

天朝厚恩。有加無已。益足以深其感激。

同日劉秉恬富勒渾鄂寶郝碩顏希深奏言。查
軍火等項。兩金川地方。現已設鎮安營。爲巡防
操練所必需。應於噶拉依勒烏圍美諾鎮協士
員駐扎處所。運駐備用。所有三路軍營各站。共
存礮子三十萬八千九百五十顆。又七百六十
包。鎗子一千一百三十七萬一千五百三十一
顆。又一千九百三包。火藥二十一萬八千八百

九十九斤又二百五十一包。火繩七十四萬八
千三百五十一盤。噴筒二千六百五桿。火彈六
千二百三十九個。戰箭二萬二千五十六枝。鳥
鎗三百五十五桿。銅礮三位。鐵礮五十三位。除
南路軍火。業已運貯章谷。馬爾邦兩處。並原存
勒烏圍。噶拉依兩處藥局。以及酌留底木達大
板昭外。其餘各按道里遠近。酌量分運噶拉依

勒烏圍。美諾。以憑撥用。至現存生鐵五十六萬三千一百餘斤。熟鐵二萬九千五百餘斤。又三百二十三筒。查鐵斤價值甚輕。運腳甚重。自不便一體轉運。徒致多糜。應卽於附近營汛交收。並損壞之鐵礮。烏鎗等項。分晰記明檔案。發交松茂道查禮等。移明該鎮將。如有需用之處。均可隨時支領。均奏入。

上諭軍機大臣曰。阿桂等奏霍爾章谷納林冲孔撒
三土司。稟稱願同甲壘土司。一體進京謝恩。已准
其所請。并給與革布什咱土舍花翎。所辦甚好。霍
爾章谷等土司。旣誠心感戴。自應准令同衆土司
入覲。著交明亮等妥協經理。將應行朝覲之各土
司。按其序次大小遠近。分派平允。倣照回部年班
仍遵前旨。於冬至月起程。歲底到京。今年係初次

朝謁。自應多派數人。此後按年均勻輪派。其來朝者。承受恩寵。回巢傳說衆土司聞之。自必倍加踴躍。又據劉秉恬等奏。三路軍營各站。所存火藥礮子。鎗子等項。酌量分運噶拉依等處收貯。以憑撥用等語。此項火藥礮子鎗子。爲數太多。今兩金川之地。雖已設鎮安營。卽美諾勒烏圍兩處。寬餘存貯。及分給各營。頂備操演。亦不須用。至如許。若過

於多積。徒存無益。且恐附近番人等。乘間竊取。或
綠旗兵丁盜賣。甚有關係。自應於美諾勒烏圍噶
拉依。有總兵副將處所。存貯稍寬。其分給各營汛
者。酌敷備用。餘俱就近運送口內營協較大之處。
加謹收貯。以備內地各營撥用。現在站夫尚未撤
完。卽令其歸途帶運。亦屬甚便。又火彈一項。專爲
攻礮摧卡而設。今兩金川已經平定。設營駐守。火

彈無所用之。據稱尚存六千二百三十九個。卽以
每個貯火藥三五斤而計。亦可得淨藥二三萬斤
自應併運內地。仍解作火藥存貯。其噴筒二千六
百五桿如已裝火藥者亦一併酌辦。至各處原損
之鐵礮鳥鎗。存留無用。自應銷燬。其所存生熟鐵
幾及六十萬斤。更覺太多。但其價值本輕。自不值
運送糜費。而久存亦屬無益。除留給各兵番作爲